



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CX. Markgraf Ludwig verstatet den Augustiner - Brüdern in der Stadt Salzwedel einen neuen Convent zu errichten, am 29. Juli 1337.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

sonaliter et viros prouidos ex parte schulteti ad placita rogatos, scilicet thidekinum Rybowen et Godekinum suos conuillanos necnon per discretos viros stephanum thuristen, Wessekinum, Johannem Went, Johannem Clot, ciues in soltwedel medium inueniebatur ad componendam dissencionem supradictam, videlicet quod scultetus coram predictis bona voluntate arbitris, Quod nichil amplius uellet aut deberet petere et habere in sepedicta curia sed fororio . . . . . curiam manso dicto pytterhuue suum pachtum annuatim per se acquirere uellet. Quod audiens dominus Geuehardus consilio suorum patronorum vtens et III modios filiginis secundum desiderium schulteti prefati perpetuo a curia tunc dimisit. Qui schultetus statim intromisit se de dicto manso pytterhuue colendo perpetuo pro suo pachtu. Quo vero habito et culto per longum tempus, Quasi ad triennium, idem schultetus eundem mansum relinquere volebat et ex curia domini Geuehardi spectante ad altare suum volens contra Iusticiam suum pachtum postulare et habere. Sic dominus Geuehardus sepedictus schulteto citato ad nostri officii prenarrati presenciam de omnibus ordinatis et placitatis, sicuti res gesta fuit, receptis super hoc testibus et eorum dictis auditis et in iudicio examinatis, eundem scultetum plenarie conuicit, ordine Iudiciario in omnibus obseruato, presentibus discretis viris Gerardo de mechow, hermanno de lenegowe, Bertoldo plebano in ymekote, Johanne, plebano in brewitze, sacerdotibus, thiderico de brewitze, stephano de thurisce, Thiderico urleue, heinrico de stolpen, Johanne went, Johanne Clot, thiderico doliatore, hermanno cyher, hermanno de Gardisce, Cunrado Godschalci, ciuibus in saltwedel, ad hec in testimonium vocatis et rogatis. Vnde nos hinricus officialis prenarratus ipsi schulteto in iure tunc conuicto inhiuimus et presentibus inhiuemus per excommunicationis sentenciam, ne amplius dominum Geuehardum vel suum successorem in dicta curia seu bonis eiusdem curie per se uel suos heredes siue successores quoscunque molestare presumat sub euitacione sentencie excommunicationis predictae. Acta et data sunt hec Anno et die quo ut supra. In quorum euidentiam sigillum Iudicii prepositure soltwedelensis presentibus est appensum.

Nach dem Original im Archiv der Stadt Salzwedel, Fach 12, No. 23.

CX. Markgraf Ludwig verstatet den Augustiner-Brüdern in der Stadt Salzwedel einen neuen Conuent zu errichten, am 29. Juli 1337.

Lodowicus etc. Vniuersis presenciam uisuris salutem in domino. Quoniam testante apostolo, qui parce feminat parce etiam metet et qui seminat in benedictionibus de benedictionibus etiam metet vitam eternam. Nos igitur ob spem remuneracionis eterne animeque nostre necnon progenitorum heredumque nostrorum animarum salutem diuini cultum officii in terrarum nostrarum dominio ampliare salubriter cupientes, pro nobis, heredibus et successoribus nostris Religiosis uiris fratribus ordinis Heremitarum sancti augustini concedimus licenciam et assensum, ut in opido nostro saltwedel in situ et area ipsis competenti, prout eam poterunt comparare, nouam donum seu conuentum predicti ordinis recipere, et construere valeant ibique libere hereditare (habitare?) vtentes quem admodum in aliis ciuitatibus vel opidis, in quibus habitant dicti fratres, omnibus graciis et priuilegiis ac immunitatibus, tam a sede apostolica quam principibus eiusdem fratribus indultis pariter



et confwetus. Datum Jericho, Anno domini M<sup>o</sup>. CCC<sup>o</sup>. XXXVII<sup>o</sup>. feria III<sup>a</sup>. post diem beati Jacobi apostoli.

Nach dem Copialbuche der Vogtei Arnburg Nr. LVIII. — In Ludewig Reliqu. VII, 49 fehlerhaft mit der Jahreszahl 1336.

CXI. Herzog Otto von Braunschweig vereignet dem Altar Simonis und Judä in der Catharinenkirche zu Salzwedel Gebungen aus Puffenz, am 21. September 1337.

Dei gracia Otto, Dux in Brunswich, omnibus in perpetuum. Ne decursus temporis ea que in ipso aguntur obliuioni tradat, veneranda adinuenit antiquitas ipsa in scripta redigi autentica et eorum testimonio perhennari. Ideo ad noticiam vniuersorum cupimus peruenire, quod Hermannus et Harnidus, fratres, dicti Puzladeker, Gertrudis soror eorundem nec non Henricus de Kemnitz pensionem vnus marce argenti Stendaligenis dandam et soluendam annis singulis in quolibet die beati Martini Episcopi de quatuor mansis sitis in campis ville Puttentze nobis ad manus altaris beatorum apostolorum Symonis et Jude, siti in ecclesia beate Catharine noue ciuitatis Soltwedel libere et voluntarie resignarunt cum instantia supplicantes, vt iam dictam pensionem altari predicto appropriare dignaremur et vnire. Nos igitur habentes proprietatem predictę pensionis in manibus nostris eandem pensionem cum omni iure vtilitate et proprietate ad petitiones predictorum et in honorem omnipotentis dei et gloriose matris eius Marie virginis et apostolorum predictorum ob remediumque anime nostre et animarum parentum nostrorum predicto altari appropriamus presentibus et vnimus, renunciantes pro nobis et successoribus nostris omni iuri, quod nobis in predicta pensione competiuit seu competere posset aliquo modo in futurum. In cuius rei testimonium sigillum nostrum presentibus est appensum. Testes etiam huius rei sunt strenui viri Gunceelinus de Berthensleue senior, Johannes de Ampeleue, Conradus de Rostorp, Ludegerus, dapifer, milites fideles nostri, nec non Johannes de Brunswich, Johannes de Rekelinghe, Nicolaus dictus Verwere, opidani nostri noue ciuitatis Soltwedel predictę, et alii quam plures fide digni. Datum anno domini M. CCC. XXXVII., in die beati Mathei apostoli et euangeliste.

Gercken's Fragm. III, 145, 146.

CXII. Dieterich und Bernhard von der Schulenburg verkaufen an Vicke Bodo in Salzwedel eine Wiese bei Kriecheldorf, am 12. Mai 1339.

Nos Tidericus et Bernardus, fratres milites, dicti de schulenborch in hijs scriptis profitemur, Quod nos et nostri veri heredes vendidimus et vendimus per presentes discreto viro vickoni Bodonis, cui antique ciuitatis Soltwedel, et suis veris heredibus quoddam pratum, quondam pertinens ad curiam philippi de krichelendorpe defuncti, quod quidem pratum